

গণপ্রজাতন্ত্রী বাংলাদেশ সরকার  
কারিগরি শিক্ষা অধিদপ্তর  
এফ-৪/বি, আগারগাঁও, ঢাকা-১২০৭।  
ই-মেইলঃ [www.techedu.gov.bd](http://www.techedu.gov.bd)  
ওয়েব সাইটঃ [techedu09@gmail.com](mailto:techedu09@gmail.com)

স্মারক নং- ৩৭.০৩.০০০০.০১১.১৮.০৭১.১৬ (পার্ট- ১)- ৬৭২

তারিখ : ১০/০৭/২০১৬ খ্রিঃ।

বিষয় : কারিগরি শিক্ষা অধিদপ্তর ও অধিদপ্তরাধীন বিভিন্ন প্রতিষ্ঠানে কর্মরত শিক্ষক কর্মকর্তা/কর্মচারীদের অন্যত্র চাকুরীর আবেদন করার অনুমতি প্রদান প্রসঙ্গে।

উপর্যুক্ত বিষয়ের প্রেক্ষিতে তাঁর অবগতির জন্য জানানো যাচ্ছে যে, কারিগরি শিক্ষা অধিদপ্তর ও অধিদপ্তরস্থ বিভিন্ন প্রতিষ্ঠানে বিপুল সংখ্যক কর্মরত শিক্ষক/কর্মচারীবৃন্দ অন্য প্রতিষ্ঠানে চাকুরীর আবেদন করার জন্য অনুমতি চেয়ে সংশ্লিষ্ট অধ্যক্ষের মাধ্যমে আবেদন প্রেরণ করেন। দেখা গিয়েছে যে, প্রতিদিন গড়ে ৪/৫ টি আবেদন অগ্রায়ন করা হচ্ছে এবং বেশ কিছু কর্মকর্তা/কর্মচারী চাকুরী ছেড়ে চলে যাচ্ছেন। ফলে প্রতিষ্ঠানসমূহে শিক্ষক/কর্মকর্তা/কর্মচারী শূন্যতার সৃষ্টি হচ্ছে।

২। সরকারি চাকুরীতে নতুন কোন পদে নিয়োগদান সময় সাপেক্ষ ব্যাপার এবং একটি জটিল প্রক্রিয়ার মাধ্যমে সম্পন্ন হয়। অধ্যক্ষ কর্তৃক এরূপ ঢালাওভাবে আবেদনসমূহ অগ্রনীত করা হলে ভবিষ্যতে অত্র প্রতিষ্ঠানসমূহে মেধা শূন্যতার সৃষ্টি হবে এবং প্রতিষ্ঠান পরিচালনা করা কষ্টকর হয়ে পড়বে।

৩। সরকার কারিগরি শিক্ষার উপর গুরুত্বারোপ করেছেন। তারই অংশ হিসেবে শিক্ষক/কর্মকর্তা/কর্মচারীদের দেশে/বিদেশে প্রশিক্ষণের ব্যবস্থা করেছেন এবং ভবিষ্যতে আরো প্রশিক্ষণের ব্যবস্থা করা হবে। এই সব প্রশিক্ষণের ফলে শিক্ষক/কর্মকর্তা/কর্মচারীদের জ্ঞান দক্ষতা যেমন বৃদ্ধি পেয়েছে অনুরূপভাবে বর্ণিত প্রশিক্ষণের ব্যবস্থা গ্রহণের জন্য সরকারের বিপুল পরিমাণ অর্থ ব্যয় হয়েছে। কিন্তু দেখা যাচ্ছে যে, অধ্যক্ষ মহোদয়গণ কোনরূপ বাছ বিচার না করে ঢালাওভাবে আবেদনসমূহ অগ্রনীত করছেন যা কাম্য নয়।

৪। ভবিষ্যতে অনুরূপ আবেদন প্রেরণের পূর্বে সংশ্লিষ্ট শিক্ষক/কর্মকর্তা/কর্মচারী, দেশে/বিদেশে কোন কোন বিষয়ে প্রশিক্ষণ গ্রহণ করেছেন তার একটি তালিকা এবং তিনি যদি চাকুরীতে ইস্তফা দেন, তবে প্রশিক্ষকালে তাকে প্রদত্ত বেতন-ভাতা, প্রশিক্ষন উপলক্ষে উত্তোলিত অগ্রিম/ভ্রমণভাতা/অন্যান্য ভাতাদি ও তার প্রশিক্ষণের জন্য সমুদয় অর্থ ফেরত দিতে বাধ্য থাকিবেন এ মর্মে ৩০০/- (তিনশত) টাকা মূল্যের নন-জুডিশিয়াল স্ট্যাম্প একটি বন্ড সম্পাদন করতে হবে বলে সিদ্ধান্ত গৃহীত হয়েছে।

এমতাবস্থায়, কারিগরি শিক্ষা অধিদপ্তরাধীন বিভিন্ন প্রতিষ্ঠানের কোন শিক্ষক/কর্মকর্তা/কর্মচারীগণ চাকুরী হতে অন্য পদের চাকুরীতে আবেদনের ক্ষেত্রে দেশে বিদেশে গৃহীত প্রশিক্ষণের বিবরণ এবং বর্ণিত অঙ্গীকার নামা সম্পাদন পূর্বক অধ্যক্ষের সুস্পষ্ট মতামতসহ অনুরূপ আবেদন অগ্রনীত করার জন্য নির্দেশক্রমে অনুরোধ করা হ'ল।

  
১০.৭.২০১৬  
(মোঃ মিজানুর রহমান)  
যুগ্ম সচিব  
ও  
পরিচালক (প্রশাসন)  
কারিগরি শিক্ষা অধিদপ্তর।

স্মারক নং- ৩৭.০৩.০০০০.০১১.১৮.০৭১.১৬ (পার্ট- ১)- ৬৭২

তারিখ : ১০/০৭/২০১৬ খ্রিঃ।

সদয় অবগতির জন্য অনুলিপি প্রেরণ করা হ'লঃ

১. অধ্যক্ষ, (সকল) পলিটেকনিক ইনস্টিটিউট।
২. ভারপ্রাপ্ত কর্মকর্তা (আইসিটি সেল), কারিগরি শিক্ষা অধিদপ্তর, ঢাকা। (পত্রখানা অধিদপ্তরের ওয়েব সাইটে প্রকাশের ব্যবস্থা গ্রহণের জন্য অনুরোধ করা হলো)।
৩. পিএ টু ডিজি, কারিগরি শিক্ষা অধিদপ্তর, আগারগাঁও, ঢাকা-১২০৭ (মহাপরিচালক মহোদয়ের সদয় অবগতির জন্য)।
৪. সংরক্ষণ নথি।